

remotiores non excludit, secus est in ascendentibus, illis enim jus representationis non conceditur. II. Liberi ex diversis gradibus soli admittuntur; cum parentibus fratres & sorores quandoque defuncti simul concurrunt. Hæc itaque peculiaria, illa communia utriusque ordini sunt.

LXIX.

Cæterum in quotupli differentia descendentes supra esse diximus, in totupli discrimine quoque ipsos ascendentis inveniri, ratio facit ut concedamus: eapropter missis reliquis, qui huc non pertinent, quatuor similiter ascendentium hic genera statuimus, sunt namque vel *Naturales tantum*, vel *Naturales & legitimi simul*, vel *legitimati*, vel denique *legitimi solum*.

LXX.

Primò itaque in successione parentum naturalium, ad eundem modum quò supra distinguimus: aliter enim Parens, aliter Mater eis succedit; Ille quidem in duabus unciis, *arg. Novell. 18. c. 5.* & per text. apert. *Novell. 89. c. 13.* Hæc verò in solidum l. 2. in pr. ff. ad *SC. Tertyll. §. fin. Inst. eod. c. 13. Nov 89.* Vicissitudinariæ enim sunt successiones; quapropter ex linea quoque materna reliqui ascendentes hic admittuntur, non ex paterna: quemadmodum enim nepotes naturales illis non succedunt, l. fin. *C. de nat. lib.* ita & hi ab eorum successione semoti sunt. *Adde Azon. in summ. C. de natural. lib. n. 4.* Quid juris sit eo casu, cum & pater naturalis & mater ac fratres vel sorores utrinq; (ut ita dicam) conjuncte adsint, tradit *Schür. de success. ascend. limit. 7. ex sententia Salicet. in auth. defuncto. C. ad SC. Tertyll.* Patrem sc. in duas uncias, in residuum Matrem, cum sororibus &c. succedere,

LXXI.

Quæstionem hic movent Interpp. non inutilem, ut *Nic. de Ubaldo. de succ. ascend. n. 23. Matthesyllan. in 2. membr. 2. art. princip. n. 10.* Nunquid etiam tales personæ, quæ impediunt successionem filii Naturalis in bonis patris sui, similiter si adsint naturali filio, obstant in successione ejus patri. Ac de de-

D

scenden-